

近代中國史料叢刊第五十六輯

沈雲龍主編

郎潛紀聞

陳康祺撰

文海出版社
印行

郎潛紀聞

趙烈文署檢

歸安吳雲題
十
卯
養
賢
潛
氣
問



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



光緒六年
初于華川

壬午重校本

郎潛紀聞序

余家守藏書性嗜雜覽童卯迄今廢讀之日殆可指數
學未小成輒喜弄翰弱冠已前壇坫角逐摹揣韻格措
獵華腴夙所誦習蓋徒以自澤其文而懵於大義謬獲
名譽旋亦悔之既又研究訓故溫習經誼舉凡乾嘉鉅
儒東南耆碩號爲漢學演藝奧旨者什九汎覽搜殘舉
碎時有饜述憾未能淹貫精博尋復棄之甲科通籍自
請爲郎妄意依流平進樞垣臺諫尙非夢想顧不可靡
所儲蓄備官未聞乃益練習吏治兵制河漕鹽法尋討
利病銳意世用又嘗默究天人辭念身世始生之歲海

郎潛紀聞序

余家守藏書性嗜雜覽童卯迄今廢讀之日殆可指數
學未小成輒喜弄翰弱冠已前壇坫角逐摹揣韻格措
獵華腴夙所誦習蓋徒以自澤其文而懵於大義謬獲
名譽旋亦悔之既又殫究訓故溫習經誼舉凡乾嘉鉅
儒東南耆碩號爲漢學演藝奧旨者什九汎覽搜殘舉
碎時有饜述憾未能淹貫精博尋復棄之甲科通籍自
請爲郎妄意依流平進樞垣臺諫尙非夢想顧不可廢
所儲蓄備官未聞乃益練習吏治兵制河漕鹽法尋討
利病銳意世用又嘗默究天人辭念身世始生之歲海

梓人是書隨筆纂載間附鄙論先後凌雜不類不次區區之意蓋將出其叢殘就正大雅矜鍊修補姑待異時本非完書故義例可畧也嗟乎余年四十有一矣元髮將改宦學不進百里小試兢兢恐墜編刻之業才士優爲平生志業百未一申濡筆寫懷不其媿已光緒六年冬康祺識

郎潛紀聞初筆目錄

卷一二十八則

卷二四十三則

卷三五十九則

卷四五十八則

卷五五十六則

卷六六十五則

卷七五十八則

卷八六十四則

卷九四十八則

卷十四十五則

卷十一五十則

卷十二四十八則

卷十三四十二則

卷十四三十七則

子思綸鳳瑒校字

緇石室
金鑽之書

子思綸鳳瑒校字

皇朝詩林

三

郎潛紀聞卷一

鄞 陳康祺著

康祺於同治六年鄉舉後以賞爲刑部員外郎十年成進士四月二十一日恭奉

大對越月由翰林院帶領引見

穆宗皇帝方御養心殿延納多士時

聖壽十有六歲仰觀

龍顏河目如日方昇恭默中有嚴毅之色私幸

中興令主儀表端凝他日景福洪祺當與

聖祖

高宗接武越癸酉甲戌臣康祺兩次奉派陪祀

郊壇凡

聖躬拜獻登降均由甬道步行咫尺

天顏瞻仰尤爲親切竊見

堯曆禹胙丰采消鑠蟻蝨下土謬抱杞憂明年冬

鼎湖弓劍竟棄臣民八音遏密矣良由

大政親裁日乾夕惕庫藏有罄竭之慮修攘鮮倚毗之

人

幾務過勞診裁偶會無疆之祚中道登遐彼保傅令僕
備位尸素不克分

東坡先生集卷之六

君父之憂國當引爲己咎若方技小臣走奔誓御豈足

責哉

時言官中有請罪御醫李德立及嚴懲近侍者故附紀及之

軍興已來漢臣得大學士者多以疆臣受鉞獮薙賊氛
勞勩尤多遂膺爰立若駱文忠曾文正暨今湘陰相國
諸公雖未一日內召而豐功茂伐彪炳琅書儻入贊綸
扉其相業必有可述滿臣若官文忠者不必有赫赫之
功而推賢任能度量越衆然亦仕京朝之日少居閫外
之日多至於倭文端之守正不阿清操絕俗文文忠之
匪躬盡瘁馴擾強蕃方之姚宋忠唐範韓靖采殆無慝
色咸同二朝名宰相彬彬盛矣合胤伯相當統師東下

規復三吳亦自果毅堅貞克紹曾門衣鉢轉旆討擒收效尤神自近年坐鎮畿臬

毗倚愈專時艱愈棘中外臣庶瞻仰愈切而責備亦復愈叢此正天意磨厲賢相之時事會難知功名未艾想望丰采者不敢遽加論贊也

自咸豐季年中西重立和約

朝廷剏設總理衙門堂司各官如軍機處例泰西諸國均於都城列使幕事言唯襍部族蕃多戢暴馴頑頗非易易總理衙門大臣增添至十數人多儒臣不諳邊務近十年中賴文文忠公篤棗忠清宣布威德五省通商

懂得無事今蓋臣騎箕戎心日肆萬一交聘啟隙市馬
生嫌屈指臺省諸公瀛海長城未知誰屬時艱蒿目遲
莫自傷中夜占星淚如鉛墮詩曰肆不殄厥愠亦不隕
厥問若文忠者或庶幾焉

同文館者聘西人爲教授凡

中國搢紳至齊民家聰穎子弟均許投牒赴館學習天
文句股造船製器諸法月有課歲有會其尤雋異者優
其廩餼獎以清秩蓋宦途之終南也當刼議初樞府諸
公擬選閣部翰林院五六品以下官送館肄業御史張
盛藻疏奏謂天文句股宜令欽天監五官正天文生孳

究製造工作宜責成工部考核文儒近臣不當崇尚扶能師法夷裔奏入樞臣堅持初議時倭文端公方以首揆掌院偶有違言遂疑倭公迂濶沮大計迺奏派公充同文館大臣公策蹇蒞任忽墮馬以足疾請急而部院庶僚亦自以下喬遷谷爲恥迄今十餘年尙無儒衣冠入館者嗚呼倭公誠理學名儒狂瀾砥柱在樞廷諸老或亦深思熟計志在自彊哉

喇嘛一教較浮屠天方尤爲誕罔其人狡悍陰鷲飲酒食肉被服鮮麗習技擊娶婦女無復戒律其中又有紅教黃教之別黃教能畫符治病唵經呪紅教至能攝人

生魂眊眊之警呪詛立死其演法則有錢布札放烏卜
藏諸技其唵經則有吉祥天母大游戲迎新年龍王水
寶匣沐浴諸名目其皈依釋迦金剛毘盧藥師無量壽
諸佛則又似與浮屠同出其髡首不蓄髮亦同定例凡
祈禱雨雪救護日月食皆令演法唵經而長年承應
內廷者至數十百人之衆出則橫行街市莫與誰何糜
帑惑民於義無取蓋

本朝龍興之初喇嘛效順最早而其術盛行東土又夙
爲蒙古諸部落所崇信故優禮彼教政以羈縻外藩不
虞相沿至今祀典慶典參預日多駸駸乎欲淆秩宗之

大禮二百年來言事諸臣惜無建議裁抑者

八旂子弟爲我

朝豐沛舊人三百餘年豢養

深恩淪浹肌髓自從龍羣彥闢土斬荆名王鉅帥聲烈
烜赫厥後戡定三藩洗盪西域旂兵勛伐亦炳炳在綠
營上嘉道已後威望稍損矣然平定粵匪之役雖滿營
騎射用違其長而若武壯公烏蘭泰忠武公塔齊布忠
勇公多隆阿及今盛京將軍都興阿諸公忠貞樸勁屢
摧狂寇櫛風醜雨始終戎幕實不愧兔罝材武之選豐
鎬故家之遺其所統伙飛羽林以及牧馬健兒打牲部

落紀律嚴整亦足與湘淮兩軍爭旌旗壁壘之色至於
賊蹤所及直省駐防各營臨難不苟忠節如林其最著
者咸豐三年二月賊竄金陵將軍忠勇公宗室祥厚副
都統果毅公霍隆武力扼滿城相持兩日夜血戰捐軀
十年二月杭州淪沒將軍忠壯公瑞昌副都統果毅公
傑純勒兵死守鏖戰六日夜卒復省垣十一年十一月
全浙糜爛杭州復失駐防城尙堅持四日傑公戰死瑞
公縱火自焚兩省之陷滿兵皆視死如飴萬衆同命雖
婦人稚子無一偷生草間者忠義之氣上耀三光下垂
無竟亦足見

聖祖神宗股肱臣僕之報已

咸豐八年關節案發首輔棄市少宰成邊內外簾官及京兆闈新中舉子軍流降革至數十人之多可謂科場大獄矣相傳刑部定讞時

文宗皇帝以大學士柏葰早正揆席勤慎無咎且株連過衆

聖意不樂窮治而端華肅順方用事肅又官司寇因得挾刑律與

天子爭蓋肅順屢有憾於柏而朝臣中起家科目者又其素所白眼也九年二月十二日

文宗御勤政殿召見王大臣等正諸臣玩法之罪

天顏慘沮殆亦以通榜有憑難於曲宥爾時監視行刑者爲肅順及趙大司寇光比

穆宗登極肅益跋扈難制

兩宮震怒臚列逆跡付廷議罪在不赦蓋甫及三年權勢熏灼之堂上官亦復囚衣赴西市其監視行刑者仍趙大司寇也尋有

旨復柏葰原官並

加恩錄其後人噫其驩頑讒並育於

堯天而誅殛於

良濟集
卷一
舜世

聖作明述仁至義盡臺省諸公尙其知感知畏哉

科場一案爲御史孟傳金舉發衆皆咎其多言然嘉道已還公卿子弟幾視巍科爲故物自戊午興大獄而朱門後起之秀始知束身安分不致妨寒峻之進身惟近三年來

兩宮吉地

先帝陵工以及

實錄玉牒諸館偶效微勞每邀

殊寵若輩多捐納閣部官游保顯秩并不必區區甲乙

科矣

咸豐三年粵寇自武昌下竄俘掠五十萬人蔽江東來
帆檣如薺吳頭楚尾千里無堅城陸建瀛方總制三江
新膺節鉞奉

命出境籌防駐武穴下之老鼠峽鋒刃未交掩旗宵遁
長江天險至不能一日守金陵龍蟠虎踞之區雄師霧
屯芻糧山積士女登陴咸誓死守乃未及半月遽爲儀
鳳門地雷所乘賊據爲僞都厯十餘年不能猝拔江蘇
六合縣以濱江僻邑孤縣賊中百戰解嚴屢摧劇寇故
時有紙糊南京城鐵鑄六合縣之謠守禦之道豈不在

得人哉時知縣事者爲湖北溫壯勇公紹原陸制軍鄉里也積功擢道員充江南大營翼長仍留防六合困守六載至八年九月揚州再失賊勢益張憤六合官民甚糾大隊狂賊圍城紹原激厲士卒割衫嚙指草血書上勝帥乞救不應糧盡援絕城遂陷紹原率妻王氏次子輔材冢婦陳氏投水以殉城中其事者新選六合縣李守誠總兵羅玉斌知縣馮明本典史葉楸奎都司王家幹夏定邦守備余承恩城守千總海從龍等皆巷戰陣亡罵賊不屈吁睢陽忠節長耀江淮彼河北二十四郡望風瓦解何竟無一人鬚眉哉

國朝所區御門上以肅朝特諭班猶圓明世宗聖祖

世宗讀書之所並

賜名圓明雍正後遂無復岵
十里

列聖避暑巡幸歲駐蹕數日
棘津門被兵靈囿曲臺付之
文宗皇帝在天之靈有隱惻
議修復者

嚴旨切責十一年廣東奸民
務府請報効木植重修淀園
穆宗聖孝邁恆正思

兩宮聽政過勞無娛游休息之地因俯從光照請其實
光照一貧子冀以近俸爲護符得游歷川楚江浙諸產
木之區勒索肥己也幸

聖智如神卒破奸詭置光照於法民間獲免騷擾當園
工議興中外錯愕臺諫中惟沈桐甫侍御淮首上書力
爭

上震怒立

召見諭以大孝養志之義沈素啞啞青蒲獨對懾於
天威但連稱興作非時恐累

聖德而已沈退朝過余余曰

上聖明丈宜補草一疏剴切和平必迴

天聽大畧謂天子以天下養凡可以博親懽者何敢願
惜帑項然寔園之毀非由天災今時事艱難仇人在國
卽庫藏充溢亦不當遽議興修

皇上之意原爲

兩宮頤養起見但臣恐園工落成

兩太后入居其中反覺愀然不樂願

皇上自彊不息時時以繼志述事爲念則所以仰慰
文宗及

兩宮皇太后者於孝道尤爲光大云云如此立言

上必感悟沈丈深寔余言擬次日削稿又次日封上嗣
聞游侍御百川者袖疏廷諍諤數百言聲震殿瓦
上雖未遽收成命而憚直犯

顏不加譴責長楊五柞卒罷經營鳴鳳朝陽不誠

聖朝盛事哉

康熙三十六年

聖祖親征厄魯特噶爾丹時凡所過童山沙磧不生草
木之區至是淺草蒙茸六軍游牧如內地偶乏泉水
上相地疏鑿甘泉溢涌會飲馬川西忽得明成祖勒銘
紀功之石於水崖濯而視之中有永清沙漠語

上曰真永清矣是舉果掃穴犁庭威震域外蓋
萬乘親臨百神環衛

國初聲教所被固宜保塞稱藩者享玉恐後矣

韓城王文端公杰乾隆二十六年進士

殿試進呈時閱卷諸臣置公卷第三

上親擢第一蓋公夙在尹文端公幕中司奏摺

高宗識其字體嘗蒙

嘉獎也

本朝陝西人得鼎元自公始公自通籍至參政握文衡
者十二次其間督浙學三任督閩學兩任而丁未己酉

庚戌四年之間三充會試正總裁尤爲異數云阮文達編公年譜稱公服官四十年貧如爲諸生時有門生自外任歸餽金爲壽公曰曩吾與若言何如今受若餽如所言何公忠貞亮直相業有聞卽此一端亦可見兩朝恩遇有自來已

定例凡壽民壽婦年登百歲者由本省督撫題請恩賞奉

旨給扁建坊以昭人瑞攷乾隆二十六年廣東南海縣民楊能啟年一百歲其妻黃氏年一百一歲三十五年安徽太湖縣民朱憲章同妻劉氏年俱一百歲四十五

年安徽亳州縣民陳洪如年一百六歲妻王氏年一百一歲均蒙

純皇帝御製詩章渥加

寵賚又二十七年山東章邱縣民王欣然年一百三歲其弟王瑞然年一百歲五十五年山東清平縣民張玫同弟張珩均年逾百齡亦蒙

特旨旌表夫期頤上壽振古稀逢至以一家骨肉之親同膺百歲延洪之算又恭值

高宗純皇帝御宇周甲五世同堂曼福龐釐

君民同慶則誠